

湖北府縣志輯

中國地方志集成

湖北府縣志輯
(一)

中國地方志集成

中國地方志集成

湖北府縣志輯 ④

漢口
小志

同治漢陽縣志（一）

江蘇古籍出版社 ● 上海書店 ● 巴蜀書社

序一

夏口爲東南一大都會自春秋至季漢地本在江北岸爲今漢口地泊東吳置其地
江南地名遂移南岸爲今武昌省會地考史者不可不辨也其方位當緯綫赤道北三十
度三十二分經綫當倫敦大文台百十四度十九分其版輿爲漢水挾沔夏
衝又爲武昌漢陽兩雄郡交錯之區域亂時利用攻守平時利用交通自春秋
國之吳六朝之南北唐之淮西五季之南楚南宋之戰蒙古清代湘軍粵寇之交
之利害係焉楚謂之夏汭吳謂之夏口南齊謂之漢口庾仲雍謂之沔口祝穆謂之魯口
財賦之雄劇稱焉自唐以降號稱官商行旅輻輳之區可指數者賈至秋興亭記所謂闕
吳蜀樓船之殷鹽荆衡藪澤之大李白贈江夏韋太守詩所謂萬舸此中來運帆過揚
州是其證也羅隱憶夏口詩所謂漢陽城下多酒樓亦其證也爰逮有宋勢尤熾矣陸游
入蜀記所謂買船客舫不可勝計銜尾者數里自京口以西皆不及又謂市邑雄富列肆
繁錯城外南市亦數里雖錢塘建康不能過隱然一大都會又謂出漢陽門江濱堤上
居民市肆數里不絕其間復有巷陌往來幢幢如織蓋四方商賈所集而蜀人爲多此其
可證者也范成大吳船錄所謂鸚鵡洲前南市在城外沿江數萬家廛閉甚盛列肆如櫛
酒壚樓欄尤壯麗外郡未見其比蓋川廣荆襄淮浙賈遷之會貨物之至者無不售且不

王序

問多少一日可盡其盛壯如此此尤可證者也考放翁所云當南宋乾道己丑之歲石湖所云在淳熙丁酉之歲相去八年而夏口南北兩岸同時如此吁其盛矣然放翁所狀爲江南岸夏口之盛在今漢陽門一帶石湖所狀爲江北岸夏口西上之盛爲今鸚鵡洲一帶二者皆密邇今夏口而實非今之素今之夏口是時蓋猶然一蘆葦荒洲大約與十年前大智門以下等至明洪武中始見零崎小肆方志曾紀當時營造者卜日預驗後來之昌盛田是藉明人三百年締構之刀遂以殺宋代漢陽門鸚鵡洲之盛勢而殿歸新市肆中至崇禎中顧氏郡國利病書之言曰禹功磯之旁爲鐵門關商舶鱗集閶闔外屏則今漢口屬漢陽設有巡檢司是可攷見自鸚鵡洲下移之漸也至清乾隆中一統志之言曰漢口巡司在漢陽縣北舊在漢水南岸後在北岸往來要道居民填溢商賈輻輳爲楚中第一繁盛處明設巡司清朝分仁義禮智兩司移本府同知駐此是又可攷見自南岸下移北岸之漸也今則自海通後外國之居留地日益增自嶺山鐵路既開而上環及月湖諸山下且延及譙家磯之北口清季旣設廳治民國又以軍官鎮守於是西人之稱漢口也曰據全國適中之地控攬五省之商利而四通八達東人之稱之也曰當九省總滙之通衢實腹地無二之商市夫以如是之奧區大埔而無一書以紀其實迹寧非憾歟且以如是之奧區大埔而反藉彼日本人之漢口一書以最其大都不尤爲吾人之大恥歟况

以近六十年來始經咸豐庚申粵寇一炬繼經宣統辛亥北軍一炬闐咽化爲瓦礫瓦礫復化爲闐咽蘊利毒生盛難衰易俯仰陳迹悲愉無端烏乎此孝感徐君星槎漢口小志之所由作也將以示衣裕履霜之戒返澆俗而挽之大淳俾芸芸者懼滿持盈觀諸已往燦然之迹而穆然思返其本也此尤作者之深意也星槎少劬於學博涉多通自有清之季從事警務于役漢口有年以其公暇輯爲是編體例酌諸名家山水方隅等志取材得諸舊籍新譯之書而又訪之口碑稽之目驗其於東儒之作但取見世而未遑攷古者更爲有根柢下視上海天津諸鎮近出資旅客問塗之書尤不可同年語矣葆心夙昔喜搜討鄉邦舊聞今得星槎是書頓觸所好既與商確義例又應其請本諸平昔鈎考所得者而爲之序質之星槎未知果有合乎否耶

甲寅夏正秋十月羅田王葆心序於長沙官書局

案漢口爲交通百貨之地而非屯積之地自唐已然盧綸晚次鄂州詩云估客書眠知夜靜舟人夜語覺潮生但侈商船而不及其他證以賈李詩可知唐代商船之盛也宋時亦然胡寅南紀樓(案此當是漢陽南紀門城樓宋明人多題咏)詩云平時十萬戶爲瓦白賈區夜半車擊轂差鱗銜舳艫此又并水陸言之合以放翁記亦可證宋時商船之盛也元代亦有可證者余闕登太平寺詩云賈客帆檣出漢陽是也

王序

王序

四

明代亦多可證者李夢陽漢江歌云楚蜀帆檣風欲趁吳國倫飲江漢樓作云舳舻銜尾障晴川張居正漢江望黃鶴樓詩云買客帆檣雲裏見皆足想見當日商船之殷盛矣惟宋時商市之盛在鸚鵡洲下至漢陽南門尙尤繁熾合之范錄胡詩固可見惟至明則南門外猶如昔時且其時地形與今畧異明漢陽縣志郡人王光裕曰宏正間南紀門外江中有洲洲上多蘆荻中有大河套一案此河今尙未湮但已洿而兩岸都荒廢一客舟蟻聚兩岸貿易居民相集爲市民樂其利此可攷見宋時漢市上起鸚鵡洲合以胡詩所云內且延及南門南門之盛至明尙未衰也志又云萬曆二十六年正月自漢陽崇信坊火起延燒東陽坊一帶是年水漲只存別山萬戶鱗集是又可證由南門至東門迄今山頭街道漸漸下延之迹矣至漢口民俗之奢侈與游匪之成羣又羣尙迷信在明季清初已然案舊志又云漢口一帶五方雜處商賈輻輳俱以貿易爲業舊事繁華今僑居仕宦商賈富家多侈外飾炫耀雖臧獲亦穿紬緞侈靡極矣又曰漢鎮水陸珍奇舟楫捆載靡不備至每一宴會窮極豐腴不獨僑官富商爲然雖中產之家亦勉強徇俗然務外飾而內實鮮積藏至有典春衣以爲之者亦習俗使然也又曰漢土地稱佳麗人尙浮華近日復多流腐棍徒三五爲羣或撞太歲或冒牙行少不如意小則脅制大則呈告窮年累月不休又至信

巫重鬼以上均明季及清初之弊俗蓋二三百年前便如此無怪今日之民無不爲此惡習所困況今日更有租界自居化外爲萬惡之淵藪乎余序此編更著弊俗之始將以望培風之有人也葆心再識

序二

武昌漢口漢陽世稱三鎮然而譚名勝者往往首武昌次漢陽而置漢口於不問論者多疑之余謂武昌漢陽其人多文而不陋其地遠俗而不僻每當月夕風晨天空如洗登樓一望恒足以繫遊子之羈愁動騷人之逸興以是知名之士每一過從遂皆形爲歌咏抒其性情之所託後人撫景流連以爲某人士之所瀏覽某賢達之所遺留雖一椽一石尙相與珍重惜之地以人傳此武昌漢陽所以獨有千古也漢口去武昌漢陽特一衣帶水耳然其爲地也商賈輻輳擊肩摩湫隘露塵不可終日亦有歌臺舞榭絃管清揚爲遊觀者所娛騁惟春華秋艷亦祇足移庸俗人之耳目大雅君子每視爲過眼浮雲曾不屑以一觴一咏留去後之鴻泥漢口一隅終不得與武昌漢陽俱傳者詎不以此也歟雖然抑又有說焉漢口爲通商巨埠其地又阨南北之紐習尙之美惡財貨之贏絀地勢之險夷與夫政教之得失無一非外人觀聽之所集古者太史陳詩雖里巷歌謠尙爲問俗觀風者所必錄況在交通之世商埠之盛衰卽國家之強弱所恃爲轉移繁盛如漢口竟

王序

五

令其一無紀載不得與黃鶴一樓烟波片石并傳不朽此非徒游覽者所引爲遺憾其爲政治之累豈不大哉吾友徐星槎孝廉作宦漢口已三載矣以其地不可無傳乃分門別類成爲漢口小志一書是書之成吾意漢口商業之進步殆必視此書爲嚆矢若視爲網羅名勝徒以供過客遊人之一覽則非作者之本意也予同年友王君葆心於序文中言漢口沿革事甚詳故不贅也是爲序民國三年十一月沈頌康序於京都旅次

序三

漢水出自陝西白河逕鄖陽城南又歷均州及光化之北穀城之東又東至襄陽城北折而東南逕宜城之東又南逕安陸城西荆門之東復東南出逕潛江北及景陵南又東歷沔陽北及漢川南又東與大江會於大別山北其地卽漢澗合流入江處春秋時以其近夏水謂之夏汭又謂之夏州在江北岸吳孫權於江南岸築城謂之夏口亦因夏水爲名至南齊始因漢水謂之漢口庾仲雍以沔漢合流入江又謂之沔口祝穆以對魯山岸又謂之魯口今時復從南齊之名以江北岸爲漢口同一地也名稱屢易蓋溯其初爲夏汭夏州以至爲夏口自夏口以至爲漢口自漢口以至爲沔口自沔口以至爲魯口自魯口以至復爲漢口凡二千餘年矣未有爲之志縣志雖及之畧而不詳不足以備考覽遊者多憾焉於是孝感徐君星槎發憤博稽古志及親所見聞著書數卷名曰漢口小志旣成

請序於余時余方從事於鄂之將軍行署幕府書牘旁午固辭而不獲因讀是志觀其所載甚詳燦然可考乃掩卷而歎曰嗚乎所謂知本之士者於此見之矣何者孟子稱諸侯之寶二土地其一故禹詳錫夷於山海遷列大宛於史記班固以匈奴載於漢書陳壽以烏丸記於三國志況乃漢口爲吾國中原之地當大江之上游又爲五洲洞達萬商輻輳之勝區安能軼其記載哉自是之後方聞博學之士皆能如徐君之用心亦庶乎其無愧矣甲寅秋八月某日桐城王光燾序

序四

漢水之名變更不一本曰夏水又曰漢水又曰沔水又曰滄浪之水其最普通者則惟漢水之名爲獨著漢水入江處曰夏口俗稱漢口雖迭見史傳皆就兵事上之水道而言非言今之商埠也漢口爲通商巨埠自明季始羅田王晦堂先生序之綦詳無勞再贅第愚嘗閱安陸新志於記述夏逢龍叛事一節曾列有漢口小志之目顧予見其目未見其書心頗憾焉民國元年寄迹漢皋至今已三易寒暑居既久則地方人情風土均能得其入略正擬分類纂輯勒爲成本如西湖遊覽志之類忽聞孝昌徐君星槎早已先我而爲之索稿瀏覽其體例簡而要其採錄約而精所謂崔灝題詩李白擱筆愚從此可以已矣古隨雲集山人劉茂寅筱竹氏叙於本埠之消閒社齋時民國三年十月上浣也

王序 劉序 李序

七

序五

古還徐先生煥斗瀚神交者有年矣上詩古文辭曾以孝廉方正重於世辛亥歲出其先王母饒宜人機聲燈影圖登報徵題一時學士文人爲之序贊詩文者稿盈尺瀚以記歸之成還風集今年秋先生篆警督一署事招瀚往談始識先生面贈以果并出近著漢口小志一書囑瀚序之漢口爲九省通衢以商務聞國中一商埠也熙熙攘攘爲利往來者舉目皆是與之話時局之變遷風俗之改革莫不視爲陳迹漠不關心雖有一二筆之於書傳之於記者又皆一爪一鱗非大觀也先生漢口小志之成計日歷三年之久脫稿經數次之易舉凡所謂氣候者沿革者川流者戶口者風俗者教育者交通者商業者建置者名勝者寺觀者兵事者藝文者軼聞者或采公家之史乘或錄私家之雜記煌煌鉅製纖介無遺其用心亦良苦矣瀚皖人生長漢口或有以漢口之風土若何物情若何爲問者則將茫然不知所對今讀先生書深自愧也是爲序民國三年秋噤雪齋主李瀚撰

自序

昔者先王省方巡守命太史陳詩以觀民風命市納賈以觀民之所好惡周官誦訓掌方志以詔觀事道方愚以詔辟忌以知地俗訓方氏掌道四方之政事與其上下之志誦四方之傳道漢丞相張禹使屬潁川朱贛條天下風俗班孟堅因之作地理志於民質良格

俗尙貞淫蓋三致意焉江文通有言修史之難無出於志誠以志者憲章之所繫非老於典故而富有三長者不能作也匡廬雁宕西湖澈水雄峙一方皆能不脛而走天下者有爲之辨區域徵因革紀勝蹟察風土煌煌鉅製纖介畢備而樹石無稍遺漏焉耳煥斗本貫孝昌總角時登吾邑白雲最高處見其形勢壯麗慨然有感及讀鄉先生聶雲屏氏所纂白雲山志始歎先生之關心勝事也而白雲爲不虛矣嗣登大別黃鵠諸山輒先購取其書以按圖索解壯遊日本凡藐躬所經歷若通都巨邑名山大川下逮一邱一壑爲名流展齒所經罔不筆之于書而藏諸行篋漢口輪軌交通在吾華爲絕大商埔行旅往還冠蓋相望獨無仿西湖澈水雁宕匡廬諸例彙集而成一帙者陳士元之叢談阮漢聞之遊紀雖有耑書傳本罕見坐令學士大夫墨客詞人來游茲土者考據莫繇過眼皆成化境不其戚歟煥斗督察此方警察有年公餘之暇頗好留意舊聞昔吳梅邨氏自謂在廣陵日了公事夜接詞人以擬劉穆之漁洋山人在揚州日于金陵京口梁谿姑蘇諸名勝皆于簿書期會中不廢登臨而公事亦無濡滯煥斗非材薄植曷敢妄擬前賢然山川之癖則庶幾近之每憶古人身到處莫放過之語恆欲妄握麈尾貽諸來葉是以自忘固陋考諸載記徵以見聞旁搜遠引門分類別曰氣候曰沿革曰川流曰戶口曰風俗曰教育曰交通曰商業曰建置曰名勝曰寺觀曰義舉曰兵事曰藝文曰軼聞爲門十有五命其

自序

書曰漢口小志噫嘻後生小子一知半解就令窮老盡氣亦復何所發明聊記見聞以備遺忘焉爾若夫持此以貢諸地理家遊歷家之採擇上擬古人攬轡騁鸞之錄歲時風土之書將以徵文獻紀政令焉則亦僅爲椎輪嚆矢而已是爲叙民國三年某月孝感徐煥斗星樑父叙於漢口商埠警察廳

漢口小志引用書目

- | | | | | | | | | | | | | | |
|------|------|--------------|-----|-----|----|----|----------|--------|---------|------|-------|--------|-------|
| 書禹貢 | 爾雅釋水 | 沈欽韓春秋左氏傳地名補注 | 三國志 | 五代史 | 唐書 | 元史 | 洪麟孫補梁驛域志 | 平定粵匪紀略 | 王葆心天完國志 | 南北春秋 | 竹書紀年 | 范成大吳船錄 | 太平寰宇記 |
| 周禮夏官 | 左傳 | 漢書 | 晉書 | 隋書 | 宋史 | 明史 | 圖書集成職方典 | 周聖楷楚寶 | 中國革命日記 | 廣輿記 | 陸游入蜀記 | 水經注 | 皇輿考 |

引用書目

宋一統志

明一統志

清一統志

湖廣通志

漢陽府志

荊州府志

漢中府志

安陸府志

漢陽縣志

沔陽州志

孝感縣志

監利縣志

京山縣志

天下郡國利病書

顧祖禹方輿紀要

蜀郡雜抄

錢坫新輟注地理志

洪頤煊漢志水道疏證

陳澧漢書地理志水道圖說

李吉甫元和郡縣志

新譯英國遠東各口岸險要志

中國江海險要圖志

新譯楊子江流域現勢論

遠東商場志

東亞各港口岸志

新譯漢口

新譯最近楊子江太勢

述異記

荆楚歲時記

健齋叢說

中國通覽

吳格齋間情麗品

俞樾石台仙館筆記

郝懿行曝書堂筆錄

王葆心晦堂近世事箋

國民快覽

情史

京漢旅行指南

各國租界條約

太白集

襄陽集

迪功集

敬業堂集

劍南詩抄

所存集

引用書目

江紹蓮聞見聞言

竹中記

錢詠履園叢話臆論

李元復常談叢錄

金城湘漢百事

因果錄

漢口叢談

中華郵政章程

徐煥章嬾園雜俎

杜詩抄

山民集

石臼集

遂初堂集

風樾偶嘯

洪樂集

引用書目

白茆堂集

葆愚山房文集

漢上消間集

漢上消間社主詩抄

聽竹廬文稿

漢口竹枝詞

漢口警察廳三年份統計書

綠谿草堂集

漢阜雜咏

漢上消間社主文抄

惜英悼悔集

好學爲福齋詩存

潘煥龍臥園詩話

漢口小志

聽竹廬叢書之一

氣候志

漢口當北緯三十度三十一分五十一秒東經百十四度十九分五十五秒距上海六百哩氣候和煦（新譯揚子江）

漢口鎮在北緯三十度三十二分東經百十四度十九分屬湖北漢陽府漢陽縣漢口鎮氣候冬不甚寒夏不酷暑（新譯最近揚子江大勢）

漢口在東經百十四度十九分五十五秒北緯三十度三十二分五十一秒爲揚子江各港中心點氣候乾燥比之上海則尤適宜人體也夏日雖屬炎熱然八九月間暑氣即退比於沿岸南地尤覺差勝焉每年自十二月至正月必行降雪或至冰凜然爲時亦不久也（新譯東亞各港口岸志）

漢口在揚子江北岸當北緯三十度三十二分五十一秒東經百十四度十九分五十五秒距上海六百哩氣候和藹宜人（新譯揚子江流域現勢論）

漢口天氣晴乾時較上海尤快爽而一年之景亦不齊焉夏則炎熱雖其熱度稍高於南方諸埠而熱氣尙無海濱之烈也熱時當至西歷九月中旬始已由此至十二月皆安樂之候寒暑漸跌至凝度及至新年冰霜降而成冬然爲時不久今將逐月所歷之天氣分